

海豐吳氏石蓮盦彙刻九金人集

滄水集

第八



閑閑老人滄水文集第十七卷目錄

箴銘 書齋公贊

御史箴 呈圖贊

驪山銘

贊 少華崩石銘

時習齋銘

日省齋銘

習齋銘

思齋銘

滄水文集卷十七

目錄

克齋銘 缺

誠齋銘

富義堂銘

娛室銘

贊

東坡真贊

闕里升堂圖贊

張清獻公贊

閑閑老人滄水文集第十七卷目錄



閑閑老人滄水文集卷第十七

箴銘

御史箴

御史箴



太微執法御史象之周官小宰則維其司耳目之寄綱之紀之爲其舉措戚休係之爲其邪正善敗隨之抑濁揚清時汝之休吐剛茹柔時汝之羞無玩法以偷無怙勢以仇敦我彝憲時汝之尤無皦皦沽名無容容保祿無毛舉細事無蝟興大獄剛果正直神介爾福

滄水集卷十七

一

陰賊狡險天厚其毒于氏父子世象其賢亦有延年蓋父之愆持斧作威幸寵一時冤魂塞路持此安歸有鐵斯冠有朱斯衣德不稱服中心慙而神草指佞神羊觸邪顧忌畏避汝之職邪勁松不屈鷲鳥無朋如霜之清如繩之平不幸遇患亦全令名旣銘汝前實銘汝心敢告司僕敬服斯箴

驪山銘

驪山之勢其地不大其禍則大驪山之泉其

流不長其禍則長嗚呼周秦暨唐兮相與垂
戒於不忘

少華崩石銘

有夏之季兮黎流於唐三川皆震兮基周之

亡

習齋銘

熙豐之間兮變亂舊章少華崩石兮兆宋之

亡

時習齋銘

朝乎則習夕乎則習惟學之日益惟德道之

日積

澐水集卷十七

二

日省齋銘

日積

日省齋銘

二

日省齋銘

日積

日省齋銘

二

日省齋銘

言得無有非耶行得無有違耶君子之棄小

人之歸耶

習齋銘

習齋銘

御習則惟慣射習則惟貫學者之習君子之

所選

思齋銘

思齋銘

思齋銘

金惟鍊乃精水惟澄則清克之又克則天理

自明

誠齋銘

惟學乃明兮惟明乃誠匪顏則曾兮是謂座右銘

富義堂銘

富於利者惟日不足富於義者亦惟日不足於利者多辱不足於義者無欲多辱之辱其禍常酷無欲之欲其樂也獨是謂不龜而卜

淦水集卷十七

三

娛室銘

外樂者逐物而喪氣內樂者忘已而無累逐物之積至於與禽獸無擇忘已之積至於與天地相似然則可以擇所嗜矣故曰少年娛於酒色富者娛於利仕者娛於祿而君子娛乎德與義道不同則亦從其志養心以淡泊之樂養口以澹和之味夫是以謂爲名教之樂地

贊

東坡眞贊

坡仙西來自峨眉手抉雲漢披虹霓天庭射
策如孤羆奔走魍魎號狐狸大儒發蒙揮金
鎚要觀赤壁窺九疑南宮玉堂鬢成絲鴻文
大冊帝載熙入海簸弄明月璣歸來貌悴文
益奇荒墳不朽骨與皮何況聞望江河馳壁
間俛睹軒鬚眉無乃示吾橫氣機裏糧問道
往從之人言畫圖君絕癡

闕里升堂圖贊

澄水集卷十七

四

大哉聖人之道天麗且彌地溥而深形容頌
嘆非愚則狂七十子之徒高者臻堂奧下者
及門牆譬猶泰山之高滄海之深魚龍禽獸
紛錯以披猖其俯伏駭汗不敢以睥視者但
望見其蒼然之色淵然之光然皆自以爲天
池之富地媪之藏蓋其一氣之所春大地時
至莫不奮迅而發揚倬乎其明如引星辰而
上也窈然而幽如窺鬼神之情狀也根而幹
之爲德行政事枝而葉之爲言語文章其精

神爲道德性命之說其教人有序不外起居
飲食之閒進退灑埽之末及其仰之而彌高
測之而益深然後知其不可量也嗚呼七十
子之後曰况曰愈曰孟曰揚得十一於千百
猶自以爲比肩而相望攀龍鱗附鳳翼何闕
里之洋洋至今讀其書拜其像尙想遺風餘
韻如在乎洙泗之鄉也

人林張清獻公贊

治身以敬無欲以靜此清獻公之素行也事

十三
《滄水集卷十七

五

君以誠立朝以正此公之見於臨政也兩朝
人物之清選一代典章之詳訂此公家之青
毡而朝廷之龜鏡也至於伯承帝旨仲貳國
柄則又公之餘慶也

閑閑老人滄水文集卷第十七

閑閑老人滏水文集第十八卷目錄

祭文

宣宗諡議

宣宗哀冊

明惠皇后諡議

明惠皇后諡冊

祭姬平叔文

哀先鋒副統辭

追薦李中丞子賢青詞

滏水集卷十八 目錄

祭薛威儀文

祭劉雲卿符文

即惠皇諡議

宣宗哀冊

宣宗諡議

祭文

閑閑老人滏水文集第十八卷目錄

閑閑老人滢水文集卷第十八

祭文

宗宣謚議



臣聞五緯失次煉石以補天而乾綱正四溟
涓行斷鼈足以立極而坤維順其有功參造
化旋乾轉坤不離衽席之上皇綱弛而復振
函夏危而復安巍巍蕩蕩無得而各其精神
之運心術之妙固非羣下之所測知雖然亭
毒之力藏於密而其功見於四時照臨之耀

滢水集卷十八

一

麗乎天而其明被乎萬物聖人體天立極出
而應世游神蠖濩之中而其功利被乎天下
有不可掩焉者此天下後世所爲揚宏休揭
偉績以摘耀於無窮而臣子之心有不能已
也然卑不議尊賤不議貴是以累列其所行
之迹謁款南郊請之於天以示萬世至公之
義而不敢專也帝皇以來率由茲道伏以
大行皇帝聖德日新沈幾天縱始以裕陵之

元子當膺

滢水文集卷第十八



章廟之正傳不幸屬道陵彌留之際奸臣矯命以衛紹王繼易天之明亂國之經惟天弗畀矜圖厥政不蠲烝自啟兵端職爲亂階外阻內訌我中土用弗靖亦罔或克嗣天乃眷命我

先皇帝奮乾之綱絜地之維天戈一揮戰士勇倍於是定和親之約曰予寧忍恥不忍人戰死由是講時邁之儀移蹕於汴梁從民欲也夫其修車馬備器械建廟社峻城郭捐金

川。i
淦水集卷十八

二

帛以賞戰士優爵賞以待功臣錄死事之孤表死節之墓拔將帥於亡命擢豪傑於行陣至於分行省以鎮遼東則志在固根本矣封九公以蕃河朔則志在復中原矣縱鳳翔之歸寇則志在懷遠方矣釋下邳之叛卒則志在收人心矣所爲外攘之道甚備躬親政事總攬權綱信賞必罰循名責實設學養士闢館集賢採公望聘名士虛已以從眾議體貌以禮大臣避正殿以答天變修羣祀以求民

福慮囚徒省寃獄恤孤獨振貧窮宮室苑囿
無所增益豫遊燕賞一切停罷所爲內修之
道甚著每與大臣語及社稷必爲流涕由是
志士雲合天下響應中興之功日月可冀方
將動大輅還舊都復園陵獻裸太室明示得
意告功皇天不圖天降割於我家氛祲紫微
禍纏霄極憑玉几以宣命乘白雲而上賓此
四海臣民所爲椎心而泣血者也痛仙遊之
不返攀龍髯而莫及於是稽合禮經參定諡

川一五

淦水集卷十八

三

議究其所以易名之意僉謂功贊化育道契
渾淪基命宥密惟時惟幾茲非繼天乎運鍾
六百紹開中興祀夏而不失舊物繼漢而系
隆有命茲非興統乎孝繩祖武光昭先功紹
庭上下重光莫麗不曰述道乎躬理萬幾日
慎一日博施濟眾視民如傷不曰勤仁乎道
配三代之謂英克定禍亂之謂武窮神知化
備道全美聖之至也繼志述事博施備物孝
之全也謹按諡法聖善周聞曰宣周宣漢宣

是已夫功以號昭德以諡顯匪諡匪號後嗣
何觀今

大行皇帝尊諡宜天賜之曰繼天興統述道
勤仁英武聖孝皇帝廟號宣宗臣等不勝拳
拳謹議

宣宗哀冊

維元光二年歲次癸未十二月己巳朔二十
二日庚寅宣宗繼天興統述道勤仁英武聖
孝皇帝崩於宣德殿二十八日丙申移殯於

川一五

滄水集卷十八

四

大慶殿之兩楹越正大元年三月戊戌朔二
十三日庚申遷座於德陵禮也律琯餘寒銅
壺未曙慘玉殿之凝霜尙金盤之承露一夕
晏出萬里縞素百官血出以如失萬姓風號
而靡訴嗟何辜兮考喪羌不勝其孺慕哀子
嗣皇帝臣痛聖駕之長違哀仙遊之不歸奉
綴衣而如在瞻黼展而咸非上宰庀司羣公
就列覽象物之旣陳悵徽音之永隔乃命嗣
臣流芳寶冊其詞曰

大金受命傳休累聖溥海內外罔不稟令大
安失御不蠲厥政胡馬南牧華風不競皇天
祐正命我真人裕陵元子世宗神孫睿謀經
遠深畧緯文聰明齊聖慈和儉勤欽若帝則
駿惠先功科條霜雪號令雷風尊禮百神升
秩元祀體貌大臣賓禮名士解寡惠鮮寃滯
申理從善如流愛民如子給廩養士闢館集
賢罰從末減賞惟慶延屯利建侯萃享有廟
金壯京城泥封關徼至於赦赤子之弄兵誅
師干之失律恩不閒於疎遠罰不阿於親戚
降虜效順以革心島夷畏服而獻馘堂上之
兵不殺目中之虜如擊方將歸馬大漠洗兵
中原重新日月再造乾坤吁嗟昊天不弔何
言至矣哉勤勞天下兮旣如彼恩結人心兮
又如此胡不萬年僅周一紀禱方至於金騰
命忽宣於玉几嗚呼哀哉杞國天崩不周地
缺寒日無光蒼天改色綃幕褰兮凝霜麻衣
集兮如雪淚成雨兮萬木冰哭成雷兮九泉

嗚呼哀哉龍輶徐動霓旌前引柳雲漸遙
殪歌猶挽背天闕之崇峻卽神皋之平衍烏
號斷兮鼎湖成白雲悠兮帝鄉遠溯馳道而
皆迴獨宮車兮不返嗚呼哀哉天柱兮崇山
虎踞兮龍盤千秋兮萬代永閔兮宸顏藏衣
冠於天上遺聲烈於人間去復去兮九疑黯
來不來兮八駿閑嗚呼哀哉如天之生如日
之明神武震斷蠻夷震驚繩祖武兮孝之大
興聖統兮功有成至德難名神謀莫測超咸
五而登三慚漏萬而掛一宜乎享號曰宣揚
鴻休於罔極嗚呼哀哉

明惠皇后諡議

臣聞乾父坤母共成覆載之功日君月妃並
顯照臨之德其有體承天之順運載物之功
合德無疆配明可久含弘光大齊聖廣淵若
娥皇嬪虞塗山啟夏命降簡狄兆殷商之發
其祥思齊太任見文王之所以聖皞皞乎不
可尙已蕩蕩乎無能名焉然而載於書咏於

詩不彰對天之洪休揚厲無前之偉烈此
后母之聖傳之無窮而臣子之誠又烏可已也
欽惟

大行慈聖皇太后南陽鍾慶沙麓興祥玉梳
兆夢金芝呈瑞文定厥祥天立厥配配我烈
考懿範彌彰齊蹤唐母媿德周姜輔佐先皇
勞勤夙夜自家刑國叶成風化服繒示儉戚
藩作程脫簪申戒寶贊中興誕育聖皇母儀
象坤正位不居讓德靡尊元光末命脫躡萬

淦水集卷十八

方祇奉陵寢祭祀齋莊左右聖皇益茂徽音
憂國在顏愛民宅心天步方艱憂心孔棘積
憂勤而不豫感哀榮之將及託聖嗣以遺言
意公家之惜費毋厚葬以徒勞憫生民之惟
悴至於金鳧銀海器無珍異之藏玉匣珠襦
禭戒紛華之飾蓋自我以作古示儀刑於有
國化流四海恩結生民歷千古而與較實曠
代而無隣臣等以謂考諡尊德國家之典有
美不揚臣子之罪自非大彰

聖母之懿範何以流芳於萬世也夫公則生
明正則言順於是諏禮官暨羣匹稽節惠之
文定易名之制僉謂獨見於幾微之會默福
含生游神於長樂之宮先識長利茲非曰明
乎容之如地養之如春並施利物不於其身
慈不曰惠乎謹按諡法獨見先識曰明恩能
及下曰惠如式請上尊諡曰明惠皇后著之
玉冊永播無窮臣等不勝拳拳謹議

明惠皇后諡冊

淦水集卷十八

八

維正大八年歲次辛卯十一月癸未朔初八
日庚寅哀子嗣皇帝臣言昔我烈考

宣宗皇帝以裕陵元子復受天命還遷正統
紹復武元之大業亦惟我

大行慈聖皇太后來嬪於京天作之合憂勤
輔佐用共濟於艱難厥初誕育眇躬將正位
號以

仁聖皇太后德冠六宮曰娥英之貴一也讓
而不居逮元光末命弗敢弭忘曰此

先帝之志也乃居太上之尊受養於長樂之宮肆惟冲人嗣無疆大厯服未堪家難思免厥愆尙賴

文母之慈訓不圖昊天不憖降此大喪創巨痛殷煢哀茹荼追念宸儀雖闕徽音尙存欽惟

聖母慈仁賦性勞勤夙夜以國步方棘憂心孔疚顧黎民曰念哉征戍勞止汔可小休吾母天下忍瘠其子凡諸祈禱皆歸福於元元

四上川
淦水集卷十八

九

疾迫彌留遺命薄葬臣哀痛不忍從重違顧命伏念正位以定名考諡以尊德厥有舊章倘非丕彰

聖母之鴻休懿德則何以對越在天之靈慰孝思罔極之勤哉乃詔禮官詳議諡法式稽古義取薦大名伏以蘊先物之幾體懷冲之德紫宮並耀黃道偕升茲不日明乎以載物之量包逮下之仁子惠無疆坤儀攸贊茲不日惠乎謹按諡法獨見先識曰明恩能及下

曰惠肅清穀日爰舉上儀謹奉玉冊玉寶上
尊諡曰無異
明惠皇后伏冀

聖靈俯賜鑒臨歆受典冊垂裕無窮嗚呼哀
哉謹言

祭姬平叔文

孔孟云遠士喪真純有一於此如見鳳麟嗟
嗟平叔今之古人治心養性求仁得仁平叔
之剛忠腸義膽暫爲御史龍鱗輒犯既丞大

川上五

淦水集卷十八

十

理槃木力撼世謂平叔魏徵汲黯平叔之德
玉粹冰清撫姪如子事嫂如兄貞不絕俗廉
不近名世謂平叔五倫陽城平叔之心晴空
秋月天壽不貳得喪如一鉏去客氣存養真
宅孰知平叔蒙莊摩詰舉世不知知亦不受
名教之樂禮法之守十五年來天下不名豈
無愛憎貫之以誠司馬之伸平叔之躡易地
皆然人無異議我初卧疾以死諉公公爲憮
然則齊始終人亦有言太剛則折公如不聞

吾計已決謂言六秩乞身退閑暮月不待龍
髯遂攀百世在前萬世在後其間百年孰爲
天壽惟有令名千古不磨嗚呼平叔今不復
得已矣如何

哀先鋒副統辭

皇天賦予一人兮胡獨鍾此淑靈孕陰山之
勁氣兮萃潢水之精英昌黑山之苗裔兮踵
一旅之家聲身大不配其膽兮又重之以修
能飛叢矢於指端兮匪絃月而彀星超百步

淞水集卷十八

七

而命中兮若馳風而擊霆突沙陀之重圍兮
破下蔡之精兵維所向而無前兮以長槍而
得名從元戎以南征兮貳前鋒以啟行頓厯
陽之城下兮懸斷橋以先登偶流矢之中顛
兮氣猶厲而奮征寒日薄於虞淵兮黯流星
之墜營且釋圍以赴淞兮摧吾萬里之長城
嗚呼哀哉將行流沙騏驎骨折欲濟大江亡
失舟楫如何昊天喪我英特如可贖兮百身
何益千人一英萬人一傑生也何艱奪之何

卒天賦絕藝神授祕訣輪扁無傳廣陵遂絕
嗚呼哀哉部曲散兮寶刀匣虎鬚催兮生死
決風蕭蕭兮霧冥冥烈士拔淚兮悲泉咽嗚
呼哀哉生何爲兮死何歸生無成兮則如勿
生生不識兮死誅之誅國殤兮酸余情

追薦李中丞子賢青詞

賦而詣軍後以

宿纏惡業豈天譴之可逃追拔亡魂亦國殤
之可愍輒殫誠悃仰瀆高明伏念先伯某早
以書生偶塵科第功名素負忠義自將位卑

淦水集卷十八

三

而言高身小而膽大貴臣失律願行莊賈之
誅逆賊弑君乞致陳恒之討憤京師之寡援
先士卒以請行鳩義軍烏合之餘抗虜賊鴟
張之勢矢貫膂而沒鏃血流踵而能軍遂以
潰圍因之扈駕特以義勇達於上聞半歲九
遷驟躋三品一軍萬死誓救孤城運糧餉以
先驅乏偏裨之後繼一軍獨歿四海共哀量
力雖非原心可恕伏念生居人世未脫塵緣
三生宿對之冤一念差殊之習豈無罪釁以

致淪亡弗仗勝緣曷資冥路是用肅陳清醮
祇演靈科冀銷黑簿之殃魂度朱陵之府

祭薛威儀文

嗚呼世降道喪樸散而瀉古風不還慨莫余
追有人於此真淳不欺不獨今無古人亦稀
猗歟尊師抱一不離嚴奉戒律始終不虧心
地開朗而拙言詞終日如愚退發其私老莊
儒釋一以貫之昔我先君與師之師情同義
合命駕相期晤語終日忘渴忘飢我父我子
爾師爾資爰敦夙好世德是儀自始識面暨
老且衰三十餘年不磷不淄我從北來見師
滄湄環堵蕭然黃冠白髭貞祐初元天發殺
機桑梓陷沒親識誅夷獨師尙存喜見睫眉
挈置河南館之宮祠謂守丹竈莫如子宜命
也如何一病莫支超然坐逝棄我如遺師旣
云歿僵坐移時頭頂尙暖超昇不疑盛以瓦
棺葬之路陲死生夢幻臭腐神奇不亡者存
夫復何悲尙享復銘其墓曰

千虛不如一實萬言不如一嘿養內者德養
外者賊至於體稟而天頂暖而濡以形形心
維德之符

祭劉雲卿符文

嗚呼雲卿而至斯耶壽不登五十官不過七
品而止於斯耶方行萬里出門而車軸折何
辜於天而奪之遽耶既畀之才而不畀之壽
何侈於彼而獨靳於此耶嗚呼哀哉如君之
才無適不宜小試所長英英不羈暫爲御史

淦水集卷十八

十四

自信不疑奮身直前百謫不辭既厄居陳心
和且夷講道論義飲酒賦詩諸公安辟請置
劇司屈宰一邑牛刀割雞政聲藉甚草木皆
知召還北苑棄我遺黎父老遮道母以公歸
我公去矣我民之思桐鄉遺愛葉邑立祠既
斥而復謂將有爲文章政術百未一施曾不
踰月而死及之嗚呼哀哉君之始病一僕自
隨君之妻子適來京師及其蓋棺猶及臨之
嗟嗟老母倚門望之哀哀孤魂夢寐見之扶

櫬還家何以告之聞此計音何以處之嗚呼
哀哉維南山翁文爲世師令德之後桂林六
枝君雖往矣有此二兒復大其家尙或似之
君爲不死聊以慰之嗚呼哀哉尙享

答麻和幾書

遺太醫張子和書

閑閑老人滄水文集卷第十八

上三十一

滄水集卷十八

五

閑閑老人滄水文集第十九卷目錄

書啟

相府請王教授書

答李天英書

答麻知幾書

遺太醫張子和書

六十五

滄水集卷十九目錄

一

嚴太醫鄭子味書

答麻知幾書

答李天英書

贈孫龍王燾對書


書啟

閑閑老人滄水文集第十九卷目錄

閑閑老人滄水文集卷第十九

書啟

相府請王教授書



某頓首啟賢佐教授先生閣下阻奉仙標渴
思道論敬佇下風瞻系何極先生嘉遯林藪
脫屣世榮究大易之盈虛洞玄象之終始道
尊德重名聞天朝推其緒餘可利天下然君
子之道出處語嘿何常之有或拂衣而長往
或濡跡以救時故當其無事則採薇山阿餌

二百七

滄水集卷十九

一

尤岩岫固其宜矣及多難之際社稷傾危而
不顧蒼生倒懸而不解其自為謀則善矣仁
人之心固如是乎某猥以不才謬膺重任四
郊多壘咎將誰執徒積慚汗坐視無術庶幾
得明利害而外爵祿者在天子左右同濟太
平今

聖上明發不寐軫念元元屈己下賢尊師重
道嘆先生之絕識欽先生之高風雖黃帝尊
廣成之道陶唐重顓陽之節不是過也雖先

生懷寶遺世如某之不肖者固在所棄獨不
念累世祖宗之基業億兆生靈之性命忍忘
之耶昔商山四老定儲嗣而暫來謝安東山
爲蒼生而一起今安危大計非特定儲之勢
也敵勢侵逼又非東晉之時也生民塗炭亦
已極矣豈先生建策於明昌之初獨無一言
於貞祐之時乎先生幡然而改惠然肯來審
定大計轉危爲安然後披蕙幌拂雲扇未爲
晚耳敬聽車音某雖不敏請擁篲而先之方
宣

滄水集卷十九

二

答李天英書

天英足下自足下失意東歸無日不思况如
三歲忽得來音具悉動靜爲慰可望所寄雜
詩疾讀數過擊節屢嘆足下天才英逸不假
繩削豈復老夫所可擬議然似受之天而不
受之人屢欲貢悃枕山川閒之坐成浮沈况
勤厚如此過望點化僕非其人筆拙思荒自

濡甚涸况望餘波耶豈以犬馬齒在前欲俯
就先後進禮耶聊布一二所聞於師友閒者
幸恕不揆嘗謂古人之詩各得其一偏又多
其性之似者若陶淵明謝靈運韋蘇州王維
柳子厚白樂天得其沖淡江淹鮑明遠李白
李賀得其峭峻孟東野賈浪仙又得其幽憂
不平之氣若老杜可謂兼之矣然杜陵知詩
之爲詩未知不詩之爲詩而韓愈又以古文
之渾浩溢而爲詩然後古今之變盡矣太白
詞勝於理樂天理勝於詞東坡又以太白之
豪樂天之理合而爲一是以高視古人然亦
不能廢古人足下以唐宋詩人得處雖能免
俗殊乏風雅過矣所謂近風雅豈規規然如
晉宋詞人蹈襲用一律耶若日子厚近古退
之變古此屏山守株之論非僕所敢知也詩
至於李杜以爲未足是畫至於無形聽至於
無聲其爲怪且迂也甚矣其於書也亦然足
下立意措言不蹈襲前人一語此最詩人妙

處然亦從古人中入譬如彈琴不師譜稱物
不師衡工匠不師繩墨獨自師心雖終身無
成可也故爲文當師六經左丘明莊周太史
公賈誼劉向揚雄韓愈爲詩當師三百篇離
騷文選古詩十九首下及李杜學書當師三
代金石鍾王歐虞顏柳盡得諸人所長然後
卓然自成一家非有意於專師古人也亦非
有意於專攢古人也自書契以來未有攢古
人而獨立者若揚子雲不師古人然亦有擬

相如四賦韓退之惟陳言之務去若進學解
則客難之變也南山詩則子虛之餘也豈遽
汗漫自師胸臆至不成語然後爲快哉然此
詩人造語之工古人謂之一藝可也至於詩
文之意當以明王道輔教化爲主六經吾師
也可以一藝名之哉賈誼董仲舒司馬遷揚
子雲韓愈歐陽修司馬溫公大儒之文也僕
未之能學焉梁肅裴休晁迥張無盡名理之
文也吾師之太白杜陵東坡詞人之文也吾

師其詞不師其意淵明樂天高士之詩也吾
師其意不師其詞然吾老矣眼昏力薈雖欲
力學古人力不足也足下來書自言近日欲
作大字然滯於藏鋒不能飛動詩欲古體然
僻於幽隱不能豪放足下自知之僕尙何言
然藏鋒書之一端所貴徧學古人昔人謂之
法書豈是率意而爲之也又須眞積力久自
楷法中來前人所謂未有未能坐而能走者
飛動乃吾輩胸中之妙非所學也若市人能
積學而不能飛動吾輩能飛動而不能積學
皆一偏之弊耳東坡論李十八草書似鸚哥
嬌數日相見曰此書何如曰乃秦吉了耳足
下之書無乃近似之乎精神所注閒出奇逸
稍怠之際如病疴腫得免秦吉了足矣想當
捧腹大笑也寄來詩如長河老秋凍馬怯冰
未牢河山冷鞭底日暮風更號晨井凍不爨
誰料寒士飢天廡玉山禾不救我馬墮塵埃
汨沒伺候工離騷不振矜魚蟲風雲誰復話

著蔡不圖履豨哀屠龍挾牋搦筦坐書空伊
優堂上醉歌鐘乃知造化戲兒童不妨遠目
逐孤鴻莫怪魏瓠無所容此去未許江舡東
五經不埽途轍窮門庭日日生皇風太阿剖
室砥以石坐埽鵝鸛搖天雄岩椒鬱雲日夕
生陰雨雪縞夜秋黃老林人烟墨突樵徑雲
深造物開岩地石帳開劍壁苔花張古錦霜
葉老秋碧日夕雲竇陰風鼓泉湧石馬蹶忌
礮确樵道生枳棘盤盤出井底回首悵如失

三百十五

淦水集卷十九

六

長老不耐役底事挂塵迹披雲出山椒白鳥
表林隙其餘老昏殊不可曉然此迄今大成
不過長吉盧仝合而爲一未能以故爲新以
俗爲雅非所望於吾友也昔人有吹簫學鳳
鳴者鳳鳴不可得聞時有梟音耳君詩無乃
閒有梟音乎向者屏山嘗語足下云自李賀
死二百年無此作矣理誠有之僕亦云然李
公愛才然愛足下之深者宜莫如老夫願足
下以古人之心爲心不願足下受之天而不

受之人如世輕薄子也與足下心知故道此
意幸少安毋躁

答麻知幾書

知幾足下相別數月靡日不思山川遼闊致
稽裁布人至辱長書累幅意貺勤厚殊慰馳
想不諗比來舊疾差減否甚懸懸也聞御榜
到日足下與李濟之適同榻一升一沈不能
不悵然也然此亦何足置懷前者足下與李
欽叔各魁省貢羣口啓啓爭爲毀訾及欽叔

淦水集卷十九

七

連中兩科然後憊然心服如使足下一第後
試制策試宏詞當與欽叔並馳爭先未知鹿
死誰手豈可成敗論士哉僕少時應舉被黜
戚戚若不復堪處然窮達自有數顯晦自有
時以今觀之向之戚戚者何其妄也足下又
以平生孤苦百狀有求鷲得鳩種稷得稗之
說天生大賢如足下者必將有用又安知今
日之窮天將昌其道非足下之福耶若得一
器淨水照足下宿命還本知見當不出此言

也足下生知夙習再來人也三生學道豈不知此大抵一時才人多恃聰辨少積前路資糧故佛謂之福慧兩足尊足下無乃近此類尙何怨耶假使吾輩萬一臨死生之際亦當安時處順况未至是耶足下所喜韓子歐子之學固爲純正如退之感二鳥賦上宰相三書亦少年未知道時語也其後諫佛骨南遷若與生死利害相忘者然過黃陵廟求哀乞靈恐死瘴霧中亦學聖人而未至者今之士

三百五

淞水集卷十九

八

人以緝綴聲律爲學趨時乾沒爲賢能留心於韓歐者幾人僕固不當洗垢求瑕若孔子與子貢顏淵問答有不容何病之語第恐孔顏不爾爾也因論聖賢之分偶盡言之至於所謂爲忠誠爲謹廉爲放逸爲耿介豈以窮達而異心哉足下又謂山林有至道芻蕘有至人可隱可訪誠哉是言當今之世豈必忘言如達磨談道若莊生然後爲得也談道吾敬常先生王賢佐談禪吾敬萬松秀王泉政

論醫不及儀企賢任子山經學與文章不及
李之純與足下如足下一病自不能療便謂
舉世無知醫者可乎足下易學自可忘憂遺
老至於釋老二家勿謂秦無人聞頗喜雜學
然慎所以習之者多難之世益成括之徒當
敬而遠之足下才高識明過僕數倍固不當
爲此喋喋亦期有以告教我也方屬新秋善
加調攝不宣

遺太醫張子和書

淦水集卷十九

九

夫天有六氣以生寒暑燥溼風火故醫家欲
治寒則必以熱藥欲治熱則必以寒藥二者
則不可以偏廢往時吳楚之人喜溫藥初虞
世論之詳矣本朝大定間河間劉守眞者號
精於素問多用涼藥以矯一時之弊施之於
膏粱之族飲食厚而腠理密頗得其效而昧
者用之至於殺人者多矣如太醫張子和其
人者其術亦有足多者子和嘗以炮附子七
枚以糖卷餅餌而食之佐以古人蒸熨之法

以起人瘵病用意健矣論者以爲喜用涼藥
未必然也然醫者人之司命不可不慎書醫
說以遺之

閑閑老人滄水文集卷第十九

五十九

滄水集卷十九

十

閑閑老人滄水文集第二十卷目錄

題跋東坡寄無盡公書後

跋東坡四達齋銘

跋米元章多景樓詩

題涪翁草書文選詩後

題東坡書孔北海贊

題異壺圖

書雷司直奏牘後

書曹忠敏公碑後

百六 滄水集卷二十目錄

題東坡與王定國帖

題楊少師侍御帖

題楊少師書陰符經後

題三仙帖

題竹溪篆

題竹溪黃山書

題東坡乞常州奏草

書東坡寄無盡公書後

題田不伐書後

題巫山圖後

題紫陽宮銘後

跋山谷草聖

題王致叔書嵇叔夜養生論

題南麓書後

題黃山書後

題學易先生詩

跋劉伯深西岩歌

題米元章修靜語錄引後

淞水集卷二十 目錄

二

閑閑老人淞水文集第二十卷目錄

閑閑老人滄水文集卷第二十

題跋

跋東坡四達齋銘

東坡先生人中麟鳳也其文似戰國策閒之以談道如莊周其詩似李太白而補之以極名理似樂天其書似顏魯公而飛揚韻勝出新意於法度之中寄妙理於豪放之外竊嘗以爲書仙屹然聳鳳巨鼇之欲前軒然飛動大鵬之孤鶩狼石當道長松臨淵其嚴勁之象雄渾之狀大臣正色抑不可屈凜然如見其叱希烈而誚祿山也千石之鐘萬石之簾鏗鉉鉤鉤儼然如見其宮廟之懸也如偃而復植如墮而反妍秋風水波春山雲烟此猶可畧而言至於字外成匠風之妙筆端透具眼之禪蓋不可得而傳也觀其胸中空洞無物亦如此齋廓焉四達獨有忠義數百年之氣象引筆著紙與心俱化不自知其所以然而然其有得於此而形之於彼豈非得古人

滄水集卷二十

一



之大全也耶

跋米元章多景樓詩

海嶽老人書惟華陀帖與多景樓詩最爲豪
放偃然如枯松之卧澗壑截然如快劍之斫
蛟鼉奮然如龍蛇之起陸矯然如鷗鶴之盤
空鳥獲之扛鼎不足以比其雄且壯也養由
基之貫七札不足以比其沈著痛快也千石
之鐘萬石之簾其重厚有如此者浙江之潮
涿鹿之戰其噴薄蹴踏有如此者鍾王之清
潤歐虞之簡潔顏柳之端嚴誠爲鮮儷至於
雄入九軍氣凌百代而於古人有一日之長
其筆陣之堂堂乎

涪水集卷二十

二

涪翁參黃龍禪有倒用如來印手段故其書

得筆外意如莊周之談大方不可端倪如梵
志之翻著鞵刺人眼睛一夫九首方相四目
夔一足能三足猿裊藤蟲食木巨石根老枿
秃恢詭譎怪千態萬狀然涪翁自謂中年以

草書名世惟東坡以爲俗此其莫年書也知東坡之所謂俗則知涪翁之不俗矣技進乎此矣

題東坡書孔北海贊

黨錮之禍豈不哀哉此非獨小人之過亦君子之過也方梁冀跋扈朝廷不能制五侯誅之自是宦者用事其後人主幼冲女主制政繼以桓靈之不君則其勢不得不權在宦豎而天下賢士嫉之若仇非朝士誅宦官則宦

淦水集卷二十

三

官誅朝士必矣及黨錮禍起君子既去而小人亦無以自立於世自后英雄得志假外兵以除內難董卓既沒曹操繼之孔文舉雖有扶漢之志勢亦難矣何則操挾天子以令諸侯意逆而各順文舉欲藉英雄以除君側之惡意善而名逆加之如操者苟有可以寓其智巧則亦無所不至而文舉不過正義明道而已操之奸雄有所不爲是以小人常勝君子常不勝理固然也東坡謂文舉使劉備誅

操無難蓋亦有激而云坡作此贊實亦自况
元祐之黨僅類黨錮元豐之政初亦有爲但
荆公新法不合人情温公繼之力革前弊然
紹聖崇寧子也一旦使子改父道小人得以
藉口矣向使如范忠宣輩稍變其不合者漸
以圖之庶幾少安其子孫亦安能爲其父而
咎其王父者哉惜乎慮不出此而使賢士竄
斥畧盡國隨以亡亦君子之過也然坡公身
愈斥志愈不衰坡嘗稱太白雄節邁倫高氣
蓋世余於東坡亦云

川文
淦水集卷二十

四

題異壺圖

李道人蓄異壺求詩於諸公閒雖兩牛腰猶
未厭也某笑曰子能體壺之虛心一事足矣
何以多爲恐子未知虛心之說試爲子言之
夫天下事物是非得喪憂樂置一毫於胸中
非虛也忘已則忘物忽然心境兩忘此猶世
俗之所謂虛耳若夫虛爲有待致虛極則絕
其待靜爲有對守靜篤則忘其對此虛之至

也然虛心有道惟誠能虛不誠則爲索隱爲
矯激至於吾道則又不然惟誠能虛能盈能
動能靜虛而不誠則餒盈而不誠則亢動而
不誠則躁靜而不誠則槁皆非道之正也故
曰不誠無物子歸試以是求之可以見吾之
言矣

書雷司直奏牘後

人皆有不忍人之心其所以陷溺其良心者
士大夫怵於名爵庶人則惑於利至其甚者

川文
滄水集卷二十

五

玩人性命於股掌之上恬不介意是誠何心
哉此時人欲蔽塞深固與物隔絕知己而不
知彼耳然亦知之不審也世未有食烏喙者
以其殺人審也酒色殺人則不知或知之不
審耳白晝操刃爲利而殺人士大夫必不爲
以政而議獄知其寃濫則曲意爲之向爲利
則不爲今爲名爵則忍爲之相去一閒耳此
之謂失其本心亦知之不審也明矣雷君希
顏藏其先大夫爲司直日奏讞一通仁人君

子留情於垂死之魂與哀於不報之所天其有不報耶今希顏聰明英偉能世其家亦積善之報也耶

書曹忠敏公碑後

儒者不言利然周禮天官冢宰制國用理財者半之有利物之利有貨財之利顧所用如何耳善乎忠敏公之言曰豐財之道非求財而益之也去事之害財而已矣故公之總利也號能稱職求其所以致之之術稅不及什

川文
滄水集卷二十

六

一兩稅之外一無橫斂不數年間倉庫充實民物殷富四夷賓服以致大定三十年之太平公之功居多此天下所共聞者也又嘗聞諸長老言公奏河東地瘠民夥與山東河北不同乞減物力三十餘萬貫從之而碑未及載當俟得其實迹爲公一書再書而屢書之也傳稱管仲之世祀也宜哉以其知取予也今公之子若孫位榮顯者甚多蓋方興而未艾則天之報施善人爲何如哉書此以勵夫

爲善者

題東坡與王定國帖

坡公書雖不學鍾王而暗與之合此帖氣壓王子敬便覺李北海窘於繩墨其合處乃似楊少師也不知者至比徐季海季海肯書李晉公姪女碑吾知魯公必不書也安得有坡公忠義不回之氣象也哉

題楊少師侍御帖

楊少師勸其父不以社稷與人此與魯公距

川五文

滄水集卷二十

七

安祿山斥李希烈何異故其書雖承唐末五季餘習猶有承平純正氣象此侍御帖乃有魯公座位帖筆法論書當論其人工拙不足論也况其工如是耶

題楊少師書陰符經後

盛季戴晉書李

曰頭瘤目反妍其媼被褐懷玉反美其疵蟲蝕烏篆山崩川坻寫出萬物之形象而不以故自私譬猶石以怪而供木以癭而杯器以古而見貴髻以髻而增奇奇怪怪不可時

施書中之支離者耶

題三仙帖

穎濱書如仲長子光懷道遁世光而不輝東坡書如魏鄭公古之遺直嫵媚可愛山谷書如莊周談大方不可端倪總而論之如華嶽三峯蓮峯中峙二峯旁迤秀色無可揀也使當時愛之如今日又安有海南之謫耶此亦良可悲耳

題竹溪篆

川五
滄水集卷二十

八

李監之篆蔡中郎之八分虞永興之小楷陶謝之詩六一公之文妙絕一世公兼而有之抑可謂全矣後數百年不幸文字散落獨此篆存亦足以知予言之不妄

題竹溪黃山書

竹溪先生篆第一八分次之正書又次之皆當爲本朝第一黃山先生擘窠大字體兼顏蘇畫畫雄秀當在石曼卿上草書如行雲流水當在蘇才翁黃魯直伯仲閒非但不愧之

而已

題東坡乞常州奏草

唐盧坦有言凡居官廉雖大臣無厚蓄其能積財者必剝下以致之如子孫善守是天富不道之家顏尙書乞米帖至今爲萬世寶東坡奏稿以薄田粗給饘粥乞常州安置其後竟卒於常州豈以田故耶天留此二帖以儆世貪饕之徒耳然則無德而干駟者亦可悲也夫

三

滄水集卷二十

九

書東坡寄無盡公書後

無盡公少年爲御史剛直敢言魯直有霜風拂觚稜之句至任提憲坡又欲其肅責墮吏計非天資刻薄人也然章惇當國則助之力詆元祐之黨賴末年與蔡京協以是得時名後之議者深所不與甚者又以爲奸邪何也竊意奸邪未必然殆學術不明之過也自王氏之學興士大夫非道德性命不談往往高自賢聖而無近思篤行之實視其貌懞恍而

不可親聽其言汪洋而不可窮叩其中枵然
而無有也無盡公於佛學信有得矣失之好
異法華以白蓮爲喻公獨曰優鉢曇花也又
自以爲三教大師計其人必高自標置雖東
坡溫公不能滿其意則不免有彈劾太過之
失至其甚目善人爲奸黨其謂之奸邪亦宜
矣末流之弊近世尙有以溫公爲奸黨以歐
蘇爲不足道此皆處己太過責人太深之蔽
也士大夫學貴深博行己自淺近始庶幾脚

三頁全
滄水集卷二十

十

踐實地無躡等虛浮之咎矣

題田不伐書後

此田不伐書也後一幅頗有東坡醉草風味
予嘗論杜牧之石曼卿秦少游雖寓之詩酒
其豪俊之氣見於自著終不可沒但命不偶
耳使不伐修潔不失爲才大夫顧以小辭自
憊惜哉術不可不慎也

題巫山圖後

昔宋玉賦高唐之事其意言山水之峻激林

木之振蕩鳥獸之號呼足以使人移心易志以諷襄王之荒淫神志既蕩夢與神遇以無爲有也其卒章言思萬方憂國害開賢聖輔不逮勸百而諷一亦已晚矣其後卒賦神女之事豈荒淫之主竟不可以已耶然亦玉之罪矣惜乎無是可也後世不知者遂實其事乃知楚人事鬼尙矣其後繪以爲圖公南征得之觀其羣峯秀拔雲煙蔥蔚意必有神主之褻瀆如此母乃汗靈尊乎乃作此說以爲之辨

川上
淦水集卷二十

十一

題紫陽宮銘後

前人稱夏侯孝若文別見孝悌之性余亦謂柳僕射書一出開濟之才書心畫也氣象如此肯爲視中蝨乎

跋山谷草聖

文章不蹈襲前人最是不傳之妙華陽眞逸承李杜之後至更句讀有三句五句之作涪翁此書殆有意於華陽之體歟

題王致叔書嵇叔夜養生論

嵇中散龍章鳳姿高情遠韻當世第一流也
不幸當魏晉之交危疑之際且又魏之族壻
鍾會嫉司馬昭以卧龍比之此豈昭弑逆之
賊所能容哉前史稱會造公公不爲禮謂會
何所聞而來何所見而去會以是啣之向無
此言公亦不免世人喜以成敗論士遂以公
爲才多而識寡難乎免於今之世過矣自古
奸雄窺伺神器者鮮不維繫英豪使不得遁
如中郎死於董卓文舉死於魏武司空圖僅
以疾免揚子雲幾至辱身亦時之不幸也如
公重名安所遁哉人孰無死惟得死爲不沒
如會勸司馬昭斲喪魏室旣滅劉禪遂據蜀
叛竟以誅死若等犬彘耳死與草木同腐而
公之沒以今望之若神人然爲不死矣尙何
訾云故備論之至於書之工拙亦何足云之
與有

岱嶽夫如何齊魯青未了夫如何三字幾不成語然非三字無以成下句有數百里之氣象若上句俱雄麗則一李長吉耳此前人論詩也論書亦然若有學南麓書者當以吾言參之

題黃山書後

予嘗評黃山書當在黃魯直蘇才翁伯仲間議者未必爲然今日李欽止來與余論合且云子美有宋初詩人氣象涪翁圓熟若論氣韻當不相上下復觀竹溪跋公書云得法在魯直後得趣在魯直前三十年後當有知之者

淦水集卷二十

題學易先生詩

是未可以江西之詩一派論也

跋劉伯深西岩歌

歌云西岩逸人以天爲衢兮地爲席茵青山爲家兮流水爲之朋飢食芝兮渴飲泉又何必有肉如林兮有酒

如澠世閒清境端爲吾輩設吾徒豈
爲禮法繩少文援琴眾山響太白弄
月清波澄人間行路是處多炎蒸如
何水前山後六月赤脚踏層冰

南山翁子伯深西岩歌置之古人集中誰能
辨之所謂不拘禮法如晉之狂士公未及五
紀致政臨終不亂蓋有道者公又有詩云身
將隱兮文何用人不知之味更眞尤可諷咏
題米元章修靜語錄引後

川。X

湓水集卷二十

十四

米元章知淮陽預知死期以香木爲棺置黃
堂上飲食起居時在其閒及期召吏民所親
厚者與之別索紙書云來從眾香國中來去
當眾香國中去擲筆而化北山程俱致道所
作墓誌銘及洪邁夷堅志所言如此世皆知
元章能書書一藝耳亦何足道然非有仙骨
視聲色富貴不足以槩其心者亦不能造微
入妙嘗見元章奏札以漣水令彈宰相章惇
植黨擅權已知其英氣不屈及觀修靜語錄

引深入理窟又言懷老後來瞎了正法眼南
心二老始判真魔乃知此老遇正見師具擇
法眼臨行灑落固不徒然昔鳩林政公禪師
亦符此意力欲遠承雪竇杖樹雲門一枝不
幸早亡當元章時雲門臨濟二派大興而今
所言者乃如此想雲門兒孫不以爲然又安
知百餘年後乃有賞音者本朝臨濟一派至
覬公而絕不傳一人信知殺人不割眼漢乃
能立地成佛非兒女曹咬猪狗脚者所能湊
泊也不肖詩書不及元章遠甚至於他日臨
行一着預剋死期則未肯多讓後辛卯可知
正大元年冬十一月十有九日題

川文

湓水集卷二十

十五

閑閑題此帖後謂元裕之言此語多
觸忌諱且不欲示人某身後可刻之
石觀其所言原無所謂避忌也至論
禪亦深有所得也矣豈以元章自况
歟公以辛卯後之一歲壬辰年五月
十有二日病歿云今此帖賣在河朔

人家

閑閑老人滄水文集卷第二十

廿八

滄文集卷二十

十六

人家

趙閑閑滄水集海內著錄家不聞有原
刊本
仲繹侍郎得曹秋岳舊鈔本又得何義
門昆仲校本及定州王氏浙中朱氏諸
本參校於書眉上殊爲詳慎矚守敬審
定刻之曹本謬誤宏多而傳錄最先故
以爲原諸家異同亦互有得失大抵皆
比勘字句之間未遑博考典籍如原教
篇以身繫諸道德仁義禮誤身作事不

滄水集卷後序

三

知出楊子法言廣平郡王篇妹夫吾也
藍作妹天吾藍也不知出金史完顏承
暉傳裕州學記或隸襄城或隸涑陽誤
作穎昌穎汝陰不考魏書地形志及隋
書地理志甚至大椿賦松茂柏兌誤兌
爲悅不考詩大雅皇矣篇答李天英書
李十八誤李爲五不考仇池筆記諸如
此類皆直據經典以正之集中諸賢名
位爵里則遍檢金史歸潛志中州集遺

山潯南等集并略著出處使知閑閑當日爲金源泰斗其所往來酬酢者皆一代傳人不獨遣山矯矯爲高足弟子也原鈔本未附乞伏材重脩唐帝廟記是據安陽金石志鈔出今考閑閑諸文見於金石著錄者尙有遊草堂寺詩在陝西鄠縣蓋公和尚行狀銘在山東東昌利州精巖寺圓蓋和尚塔在喀喇沁左翼利州城東鄧州宣聖廟碑在河南鄧州皆此集所無當一併據拓本附入侍郎其有意乎光緒乙巳九月宜都楊守敬記

淦水集卷後序

三

